



Lo 10 dau mes de mai 2019

COMUNICAT DE PREMSA

L'ESCÒLA OCCITANA DE LIMÒTGES MENAÇADA

- Conferencia de premsa lo dimars lo 14 dau mes de mai a 14h ,
a l'escòla au 08, rua Emile Zola -

Uei, la Calandreta Lemosina, escòla associativa, bilingua occitan/frances, sos contrat emb l'Estat es menaçada.

L'escòla mairala e elementaria, emb doas classas e 36 eslèves a de las dificultats financiaras.

A causa que l'establiment suefra de **baissas drásticas de finançaments dempuei 3 ans** :

- baixa de mai d'un tierç de la **subvencion regionala** (versada per l'OPLO, Ofici Public de la Lenga Occitana) : 17 000€ en mins en 2018 e 2019.
- baixa de la participacion obligatòria de la **vila de Limòtges** dempuei 2017 : 10 000€ en mins.
- **fin daus emplecs ajudats** : l'ajuda de 45000€ en 2016 es reduïda a 10 000€ a l'ora d'aura.

Pertant, l'escòla pròba son utilitat en **terra limosina donca occitana** en ensenhar una lenga e en partejar una cultura e un patrimòni a l'aras d'un public jòune a partir de l'atge de 3 ans e quò dempuei 1994. Fai partida d'un raseu de seissanta-cinc escòlas, quatre collègis e un liceu dins 17 departaments.

Personnaus, parents e amics de l'escòla soatan vivament perennizar l'escòla e lo projecte pedagogic.

Adonc, soatam vos far part de nòstra situacion en vos convidar a una conferencia de premsa **lo dimars lo 14 dau mes de mai 2019 a 14 oras a l'escòla**. Seran presents daus membres de las associacions Calandreta Lemosina e Jugarem (qui menan ensemble los temps escolar e peri-escolar), puïats per lo president de la *Federacion regionala Calandreta dau Lemosin* e la coordinatritz de la *Confederacion Calandreta*. Possibilitat de virar daus imatges dins una classa.

Quò sirà l'enchaïson de vos indicar que nos trapam de **relançar nòstres finanças (vila de Limòtges, region Novela-Aquitania e OPLO)**.

D'alhors, un **sosten concret es toujours esperat de la municipalitat de Limòtges** dempuei mai d'una annada per desvelopar l'escòla dins daus locaus mièls adaptats e mai espacios.

Aitot, lançam una **demarcha de finançament participatiu** vers los actors economics locals (Legrand, Madrange,...) e lo grand public per lo projecte de la rentrée que ven.

Lo **vòte de la lei Blanquer** avant la fin de l'estiu ente serà obligatòri, sitòst l'annada escolara que ven, la participacion de la Vila de Limòtges au finançament de la mairala e la promessa dau President de la Republica de **novelas ajudas a l'emplec per las pitas associacions** podrian redreçar las finanças de l'escòla. Mas tot quò qui demòra ipotetic !

Enfin, organizam de las **jornadas pòrtas dubertas lo diluns lo 27 dau mes de mai** per aculhir d'eslèves noveus ... en esperar un tornar a l'equilibri d'aici a setembre propchan.

Contactes: David Dallot (06 06 70 11 11), Séverine Granet (06 03 89 23 36)

Calandreta Lemosina - 8, rue Émile Zola – 87100 LIMOGES 05 55 06 37 90 <contact@calandreta-lemosina.fr>